



Edizione diplomatica



En peirols.


Cora qem fezes doler. amors nim dones esmai. eiram ten
iausent e gai per queu chant de mon plazer car ai plus
ric ioi conqis. cami nous taignia. per que mos chanz sumelia
cumelitzatz men requis.



Mi donz mercei e grazis. del ben ananza queu ai. ni ia no(n)
loblidarai. los plazers qem fes nim dis. qen mi non a mais
poder sill qamar solia. qem plus franca segnoria. voil ses
enian remaner.



Dar enan mer a tener. al reprocher com retrai. nos
moua qi ben estai non farai ia eu p(er) ver q(e)il flama
camors noiris mart la nueg el dia. p(er) queu remain
tota via con fai laurs el fuec plus fis.



Molt magrade ma beillis de dos amics cant seschai qe
samon dun cor verai. e luns laltre non trais. e sa bon
luec e lezer. gardar tota via. q(e) lur bona compagna.
non puesc enoios saber.

Image not found
https://letteratura.europa.let.uniroma1.it/?q=sites/default/files/styles/661/public/a5_1.png&itok=VP7UzeZb

Souen lanera vezer. la plus auinen qeu sai. sil deui
namen qon fai. nomavengues a temer. p(er)o mos cors
es aclis. vas leis on qe sia. qe finamors ioing e lia. cor
part loindan pais.

Image not found
https://letteratura.europa.let.uniroma1.it/?q=sites/default/files/styles/661/public/a6_1.png&itok=EXn-L5y9

Ser outra la cros del ris. don nuls hom non torna sai. no(n)
crezatz qem pogues lais retener nuls paradis. tant ai
mo voler assitz. o\e/ ma douza amja. q(e) senes leis no(n) poiria.
nul autre ioi retener.

Image not found
https://letteratura.europa.let.uniroma1.it/?q=sites/default/files/styles/330_px/public/a7_1.png&itok=CTAYReRb

Chanzos oi mais potz r**t/en(er)** vas mi donz **tauia** q(e)u saibe q(e) la
volria. te auzia (et) mi vezer**Dal**fi sauzes mo(n) voler. dir **aren q(e)**
sia. tant. **[.]**am vostra compagna. q(e) vos en saupras lo ver.

- letto 380 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteratura.europa.let.uniroma1.it/?q=laboratorio/edizione-diplomatica-1773>